

卷十七至二十

痘麻紺珠

瘟疫傳正彙編

傳症彙編卷之十七

痘麻紺珠三痘

新建邑庠熊立品聖臣甫編輯

同學雷朝選靜夫恭較

姪世錫重珩校字

起脹

瘰癧放標之後皮膚略覺浮腫漸漸起脹但得肥胖一分則胎毒發出一分胖盡而毒乃出盡也此時全仗元氣併調養合宜若不能起發者必因元氣衰微不能送毒外出或有雜症阻滯不能透達毒邪此則速用調理不可泛視

起脹三朝辨症吉凶

一報痘三朝之後不疾不徐先出者先起後出者後起大小分明不相連串尖圓堅實紅活肥滿面目漸腫依期貫漿飲食二便如常而無他症者此表裏無病大吉之兆

一痘當起脹之時遍身雖起而頭面全然不起或痘不脹而肉脹頭面皮肉紅腫如瓠瓜之狀而痘反不起者凶

一痘色乾燥不潤慘暗不明或灰白漸至倒陷或發紫黑之泡者凶

一痘當起脹之時吐利不止乳食不化或二便下血者凶

一手足間見而復隱起而復癩或遍身隨脹隨沒煩燥而喘

急氣偏者凶

起脹治例

一痘宜漸發者吉若一齊湧出皮肉虛腫者此表裏不能收攝故奔潰而出後必瘡爛潰爛急宜人參固肌湯或芎歸湯毒盛者六味消毒飲或四味消毒飲出入用之

一痘不起或起而不透者多由元氣內虛不能托送致毒氣留伏不出速當救裏以托其毒又必察其氣分血分蓋痘之壯實由于乎氣痘之肥澤由于乎血氣主响之血主濡之假如形壯而血見枯者此氣至而血不營也宜四物湯加入人參麥冬之類假如痘色紅潤而形平陷者此血至而氣不充也宜保

元湯或六氣煎加川芎之類假如形色俱弱而不起發者此
氣血俱不足也宜六物煎加減主之或保元湯十全大補湯
調無價散或獨聖散假如冬春之間為寒氣所抑不能起發
者宜麻黃甘草湯或十宣散假如夏秋火盛不起而煩渴秘
結內熱者宜用人參白虎湯
一凡痘瘡起發通身昏欲其透惟四肢稍遠難齊若脾胃素
強能食者勿慮惟脾胃素弱食少者四肢多有不透以脾主
四肢津液不能灌溉故也宜以補脾為主用快班越婢湯加
當歸或黃芪建中湯加入參防風若因誤服涼藥而致白癩
不起者宜理中湯或胃愛散

一痘雖起發而干枯無水或青紫黯色不久即變黑陷乃血
虛之甚也宜四物湯加人參麥冬熟草紅花調無價散外用
水揚湯浴之兼用臘脂塗法

一痘瘡貴顆粒分明如彼此相串皮腫肉浮或于本痘四旁
旋出小痘攢聚胖長漸成一塊此候最險宜用快班湯合六
味消毒飲以解其毒

人參固肌湯

人參 黃芪

當歸

甘草

蟬退

加糯米一撮煎服

芍藥湯 見辨血氣

六味消毒飲

牛子 連翹 升麻 紫草 山豆根 水煎溫服

四味消毒飲

人參 甘草 黃連 牛蒡子

共為粗末加姜一片水煎溫服

四物湯 四君子湯 保元湯 俱見大要 六氣煎 見雜症治例

六物煎 見雜症治例

十全大補湯 見伏陽

無價散

人獨猪犬糞臘月燒灰砂糖調服或以胭脂汁調塗

獨聖散

用穿山甲取前足嘴上者燒存性為末每服四五分以木

香燻紫草入酒少許服

水楊湯 卽忍冬花藤也煎水浴之

麻黃甘草湯

麻黃 錢一 甘草 錢二 半減

十宣散 見辨血氣

人參白虎湯

石膏 錢三 知母 錢二 粳米 半 人參 水煎服

快班越婢湯

炙芪 白芍 桂枝 防風 炙草 薑棗煎服

黃芪建中湯

桂枝 黃芪 芍藥 甘草 飴糖 干姜 紅棗

理中湯

人參 白朮 干姜 炙草 姜棗煎服

人參胃愛散

人參 茯苓 甘草 丁香 藿香 蘇葉 木瓜

糯米 煨姜 紅棗 引水煎服

犀角地黃湯

生地 犀角 芍藥 丹皮 水煎溫服

快斑湯 治虛毒盛起發連而作痒

紫草 人參 白芍 木通 甘草 蟬退去頭 水煎服

化斑湯 治痘毒緊喉心肝二經形如蚊咬者

水楊柳 紫草 荊芥 甘草 水煎服

五龍湯 治同前

黃連 紫草 芍藥 各一錢 生地 三錢

濃煎汁磨犀角汁調服

地龍酒 治痘血熱毒盛果陷不起頂

活地龍 五七條洗淨搗爛酒少許熱服

發痘諸藥論

謹按發痘之藥用本不同前人有以攻毒而發痘者如山川

專主黃扁

痘末付未卷一

痘

五

甲人牙蟬酥蟬退之屬是也有解毒清毒而發痘者如紫草
紅花牛蒡子犀角木通連翹金銀花之屬是也有升提氣血
而發痘者如川芎白芷荆芥升麻蔓荊子之屬是也有解散
寒邪而發痘者如麻黃桂枝柴胡干葛防風紫蘇葱白之屬
是也有行氣行滯以通壅塞而發痘者如丁香木香陳皮厚
朴山查大黃之屬是也有益火回陽健脾止瀉而發痘者如
附子肉桂乾姜肉豆蔻之屬是也凡此者皆是托裏起痘之
法然但可以此為佐而必以血氣為主則在夫四君四物十
全大補之類庶乎隨手而無不効矣

貫膿

膿者血之變也。痘瘡初出一點血耳。漸起漸長。則由血成漿。由漿成膿。方能成寔。故有血則有膿。無血則無膿也。痘之貫膿。大勢已成矣。六日以前有熱。則宜解毒。無熱則宜調養。血氣其膿自能貫足。若七日以後頂陷。不能貫膿者。必由先失調治。所以治不可緩。必俟膿足。斯可回生。若頂陷灰白。漿膿不足。至此血氣俱離。甚為可慮。

貫膿三朝辨症吉凶

一痘自起發之後。小者漸大。平者漸高。陷者漸起。外帶微紅。內含清漿。以至貫膿之時。却要個個成膿。根脚紅活。其形圓滿。光澤。此時毒化成漿。由綠色而漸變蒼臘。以手按之。其皮

堅硬膿漿厚濁約束完固無少破損飲食二便如常此上吉候也不必服藥

一痘密者自起漿漸至壯大未有不相串者雖相連屬只要根脚分明陷者盡起無處不透則毒從漿化膿成而毒自解無留伏矣亦吉候

一痘初出或頂平或中心陷或白色只要其人能食二便如常治無乖謬不至壞事又表無痛痒裏無泄瀉是表裏俱無病也如此者坐待收靨不可妄投湯劑

一貫膿時純是清水皮薄如紙白如水泡者三四日必抓破而死

一頭面腫大瘡盡搔破臭不可近而足冷者死

一黃膿之時吐利不止或二便下血飲食不化痘爛無膿者

死

一貫膿之時二便不通腹脹肉黑發斑狂妄氣喘或寒戰咬

牙者死

一回漿之時漸當蒼黑收斂而反光嫩不斂者此氣血兩虛

漿不能干必發痒搔破而死

一諸痘有漿而天庭不起或額上如沸湯燒破臭連兩頰水

去而干似靨非靨者死

一灌膿之時發白泡如彈子者用夾針刺去其水外以滑石

末敷之內服保元湯加石榴皮茯苓以利皮膚之水如發
紫泡乃毒溢皮膚之上也此症必危

一瘡爛成片膿水不乾者用滑石末敷之或敗草散敷之加
珍珠尤妙

貫膿治例

一痘瘡貫膿專以脾胃為主脾胃強則氣血充寔膿漿成而
飽滿堅厚不瀆服藥脾胃弱則血氣衰少所以不能周灌故
雖見漿而漿亦不滿或清淡灰白不能作膿即所蓄微漿仍
是初時之血水而漿薄無以化膿者總屬血氣大虛也若不
速治即成內攻外利之症急宜六物煎六氣煎或保元湯十

全大補湯加人乳好酒服之

一貫膿三朝之內若身涼痘色灰白不進飲食或寒氣逆上而為嘔吐或腹脹泄瀉而手足逆冷此係純陰無陽之症急用保元湯加二仙散連進數服甚者必須九味異功煎或陳氏十二味異功散 他如寒戰咬牙泄瀉等症俱同此治

若灌膿已完四肢猶有不灌者恐終變為痒癩之症宜快班越婢湯加防風白芷以達之若毒有未透恐闕却之處醫後致生癰毒

一貫膿之時而痒不止者雖曰氣血俱虛亦由火力不足故不作痛而作痒宜六氣煎五物煎加防風白芷木香蟬退治

之心鑑曰氣愈虛則愈痒當用保元湯倍用黃芪以助表
少加芍藥以制血其痒自止

一貫膿之時疼痛不止者氣滯也少下保元湯加山查木香
以行滯氣如濃色盛滿者大下四苓散利之而痛自止

程晨峰曰凡頂陷無膿者逆但得根窠紅潤血猶不散急用
保元湯加芎歸白芍丁香糯米煎熟加入乳好酒溫服若色
白如水晶內無膿者治亦同 若地紅血散有熱者去丁香

加白芍地骨皮以斂血退熱又曰凡正壯之時有痘雖起壯
而皮膚無力按之水漿就出雖肉色不暗此乃名為假壯至
十二三日決不能回漿結靨內攻而死急用保元湯加丁香

川芎糯米提氣貫臍自愈此即名內托也凡內托之法

元湯加川芎丁香便是

六物煎 六氣煎 保元湯 十全大補湯 俱是實

三仙散 見結屬

九味異功煎

人參 黃芪 各一錢 當歸 地黃 各二錢 甘草 七 丁香 三

肉桂 干姜 附子 各一錢 水煎服

陳氏十二位異功散

人參 丁香 木香 白叩 各一錢 陳皮 厚朴 白朮

茯苓 各二錢 官桂 一錢 當歸 二錢 附子 半夏 各一錢 姜朮煎服

身正氣清 症

結靨

痘瘡貫膿之後肥澤堅實以手摸之瘡頭硬而微焦此欲靨也靨時乾淨無突陷淫濕破綻色蒼蠟皮堅厚外明內暗尖利碍指者此為正靨若痘雖干而痂薄如紙或有內症未除此痘之極險時也急宜調補庶不致害

收靨三朝辨症吉凶

一痘至十日之外血化毒解膿必漸干若如蒼蠟色或如葡萄色從口鼻兩傍面部收起以至胸腹而下然後額上背脚一齊收靨而落別無內症飲食二便如常或從手足心手指尖或陰上先收者此吉候也

一痘既蒼蠟收靨而身有微熱者乃燥癩之症但飲食如常俱不必治

一當靨之時遍身發痒搔破無膿皮捲如豆殼而乾者凶

一當靨之時無膿而氣急聲啞或手足顫掉或寒戰咬牙或喉腹痰响或足冷過膝或小便少而大便頻者凶

一當靨時兩臉干硬按之如石者凶

一痘至收靨飲食不進口中常如食物動而不止者不治

一面部胸腹未靨而脚先靨陰勝陽也危

一遍身俱靨內遺數粒獨不靨者尚能殺人如蛇之退皮中有一節被傷不能全退者凶其有靨至項下或至胸止住而

服藥不效者凶

一瘡當靨時遍身未見膿成而口唇上下痘先黃熟此毒氣內攻於脾也凶

一痘未靨而口唇腐爛及口白到舌者危

一收靨時前後有紅紫泡者不治

結靨治例

一痘瘡自出起至十日十一二日當從口唇頭面以漸收靨但自上而下者為順自下而上者為逆察有他症速宜治之
一痘漿收靨時而一向身溫然後發熱者名為乾漿是毒未盡候此時不可輕用汗下若有風寒外感及飲食所傷乃當

瘡心之

一痘瘡內熱毒邪未盡化而乾靨太速者後必為目疾或為
癰毒及諸怪症宜涼血養營煎少清其火

一痘瘡已經貫膿不能結靨及致潰爛或和皮脫去者此名
倒靨乃毒氣入內也須大補中氣以托其裏宜六氣煎倍加

考藥紫草防風白芷主之

一痘瘡十二日之後但得結靨便為佳兆若痂皮不結必成

倒靨終致作痒抓破速宜治之

一靨時色白如梅花片者此為假回十二日後當死如不泄

瀉可速用六氣煎或六物煎合二仙散大進救之或用斂膿

散

一瘡瘡成膿不靨以致潰爛膿汁淋漓粘着疼不可着蓆
者用敗草散或蕎麥散以絹袋盛撲之更多布蓆上襯卧尤
佳或用秘傳茶葉方亦佳 若欲面上不成癩者用救苦滅
癩散以蜜水調敷之或白龍散白螺散

養營煎

生地 當歸 芍藥 甘草 地骨皮 紫草 黃芩

紅花 水煎服

六氣煎 六物煎 俱見報痘治例

魚鱗散 常靨不靨以此救之

黃芪

蜜炙 八錢

枸杞

白芷

何首烏

蜜炙 各一錢

共為細末每

服二錢加煎藥內服或米飲亦可

二仙散

丁香

九粒

干姜

炒錢

共研末每服五七分白湯下被蓋片

時陰返陽回痘自活潤矣

敗草散

見鼻痘

蕎麥散

蕎麥磨細粉瘡破者以此搽之

救苦滅癩散

蜜陀僧

滑石

各二錢

白芷

五錢

共研末搽之或好蜜調敷

白螺散

治痘濕不收

陳年土墻上白螺壳煨過為末搽

之立愈

白龍散 治爛痘及抓破者

用干黃牛糞在風露中多久者火煨成灰取中心白者為末以薄絹囊盛裹於瘡上撲之自愈

靨後落痂

一痘瘡結痂自當依期脫落若至半月一月粘肉不脫或發痒者此必表散太過傷其津液以致腠理虛澁無力脫却故也宜用人參固肌湯或以真酥油麻油潤之自落

一遍身結痂雖完若餘熱未退蘊蓄肌表或煩燥不落落者宜涼血養營煎或解毒防風湯熱甚者大連翹湯加地骨

反外用滑石為末以蜂蜜調勻雞翎掃潤痂上即落

一痘癩突起作痒不止者此熱毒未盡也宜解毒防風湯

一痘癩發痒剥去痂皮或血出或復成膿如瘡疥者此血熱

氣虛也宜四君子湯或四物湯加紅花紫草牛旁子治之

一收靨時而痂不落昏昏欲睡此邪氣已退正氣未復脾胃

虛弱也宜五福飲或調元湯緩緩治之若餘火未清宜酸棗

仁湯

一痘痂既落中氣暴虛有不能食者宜五味異功散或養中

煎調之

一收靨落痂之後餘熱不退謔語昏沉者用唇砂六一散以

小柴胡湯調服之大便秘脹者當歸丸利之熱甚者大連翹
飲

一痲脫時肌肉復腫用馬齒莧膏塗之

一痘痲既落之後血氣未復極當調護不宜澡浴及食飲生
冷傷饑過飽損傷臟氣致生他病為終身之患

人參固肌湯

人參 黃芪 白朮 當歸 芍藥 茯苓 甘草

水通 蟬退 糯米 每服三錢水一盞煎至半盞徐服

之

涼血養營煎 治痘疹血虛血熱地紅熱渴凡陽盛陰虛等

証

生地 當歸 芍藥 甘草 地骨皮 紫草 黃芩

紅花 水二盞煎至盞半量見大小服

解毒防風湯 見落痂後

四君四物湯 即八珍湯見大要

調元湯 即保元湯無肉桂見大要

小柴胡湯 見初熟

五福飲

人參 一錢 熟地 一錢 當歸 二錢 白朮 一錢 甘草 五分 姜朮引

五味異功散

專在彙編

五味甘...

...

即四君子湯加干姜 再加陳皮名六味異功散

養中煎

人參一錢 山藥二錢 扁豆炒二錢 炙草一錢 茯苓二錢 干姜炒黃二錢

水煎服氣滯加陳皮砂仁

唇砂六一散 即益元散加唇砂見賤痘

當歸丸

當歸五錢 紫草三錢 黃連一錢五分 甘草一錢 酒製大黃一錢五分

先以當歸紫草熬成膏中三味研為細末如胡樹犬每服

十丸食前米飲湯下

大連翹飲

連翹 牛子 柴胡 當歸 桑寄生 防風 木通

單前 荆芥 黃芩 化石 甘草 蟬退 姜一片引

如大便秘加酒大黃

馬齒莧膏

馬齒莧 猪脂膏 石蜜 治痂落復腫以此塗之

喻嘉言曰殼着於肉名曰甲錯多生肺癰甚則腹腫小水亦為之不利宜用黃芩阿膠清熱潤燥治其源也

落痂後

一痘瘡收後其痂先後自脫痂厚落遲雞肉不粘者言

一自食痘痂者雖有他症不妨

一痘痂雖落而瘡癩雪白略無血色者氣血脫盡也若不急培元氣補養氣血過後必致不救

一痂落後每發驚而神無所依者必氣絕也危

一痂落後手足顫掉咬牙噤口目閉腹脹足冷過膝者不治

一痂落後而癩痕不沒用四白滅痕散

一痂落後而瘡癩復起成凸者此熱毒未盡也解毒防風湯外用蠅子水摩之

一痂落而下陷成凹者此脾胃虛不能長肌肉也人參白朮

散加黃芪主之

四白滅癩散

白芷 白附 姜虫 鷹矢白 蜜陀僧 各等分為末

解毒防風湯

金銀花五錢 甘草 木通 防風 荆芥 連翹 牛蒡子

各一錢 全紫草煎湯服

人參白朮散

人參 白朮 藿香 木香 茯苓各二錢 干葛 紅棗研

Vertical column of text on the right side of the page, appearing to be a list or index. The characters are highly obscured by heavy ink smudges and horizontal streaks, making them illegible.

Vertical column of text in the middle of the page, also obscured by ink smudges and horizontal streaks. The characters are faint and difficult to discern.

Vertical column of text on the left side of the page, obscured by ink smudges and horizontal streaks. The characters are very faint and illegible.

傳痘彙編卷之十八

痘麻紺珠四 痘

新建邑庠熊立品聖臣甫編輯

同學弟楊國星輝 參較

孫承統紹庭校字

痘出夾疹夾癍

錢氏曰痘瘡只出一般者善凡痘初出其形碎密若芥子者夾疹也皮肉紅腫成片者夾癍也疹由心熱癍由胃熱宜急解其毒消疹用黃連解毒湯煩燥合消毒飲化癍用人參白虎湯痘渴合消毒飲或只以升麻葛根湯夾疹者加防風荆

芥木通麥冬黃連夾痧者加石羔人參大青玄參竹葉如疹
消痧散現出正痘疎密停勻者言痘被痧疹夾雜不能起發
者凶

張景岳曰夾疹夾痧本非痘中吉兆凡發熱二三日間痘形
未見忽然遍身發出紅點一層密如蚊蚤所咬者決非痘也
此乃痧疹之屬多為風寒所遏不能發越而痧先見也宜芽
邪飲紫葛煎或敗毒散微微而解之但得身涼痧必自退再
過一日痘出必輕矣有痧疹齊出表裏俱熱而邪不解者紫
葛煎若熱邪不甚而表邪甚者宜疎邪飲或紫歸飲加羌活
防風干葛之類若痘夾紅斑如錦紋者宜涼血化毒湯加紫

胡黃芩玄參犀角之屬若痘出夾癍夾疹而口紅唇裂者表熱也煩燥火渴妄言妄見者裏熱也表裏俱熱故為凶症宜雙瓣散主之若加悶亂氣喘者必不治

又論痘之夾癍與夾疹不同疹則細碎有形癍則成片無形也凡痘初出有片片紅腫如錦紋者有紅暈與地皮相平而全無興起之意者是皆夾癍症也癍以熱毒鬱于血分而浮于肌肉之間乃是陽明胃經所主或以寒邪陷入陽明鬱而成熱者亦致發癍俱用涼血解毒但使癍退而痘見者吉否則皮膚癍爛瘡易搔痒而皮嫩易破也又有赤癍成塊其肉浮腫結硬者乃名丹瘤其毒尤甚瘡未成就此必先潰不可

治也

品按痘出夾痲輕者只宜升麻葛根湯甚者人參白虎湯
合六味消毒飲若斑色紫赤而大便秘結者宜四順清涼
飲班退用四君子之類以固其脾如發班至潰爛者以救
苦滅癩散四白滅癩散或白龍散敷之

又論夾疹痘瘡止宜單出並出者謂之夾疹蓋痘疹之發皆
有時氣二者並見其毒必甚心鑑曰夾疹者即痘之兩感症
也大為不順之候若痘稀少而夾疹者名為麻夾痘其症則
輕若痘本稠密而更加疹彼此相混些碎莫辨其症則凶急
宜以辛涼之劑解散為先而托裏次之必疹毒漸消痘見壘

落者乃為可治

黃連解毒湯 黃連 黃芩 山梔 黃柏 水煎服

人參白虎湯 即白虎湯加人參 見發班

消毒飲 見水痘

升麻葛根湯 見發熱治例

疎邪飲 柴胡 芍藥 荆芥 甘草 水煎服

紫葛煎 紫胡 干葛 芍藥 黃芩 連翹 水煎服

敗毒散 見發熱治例

柴歸飲 當歸 二錢 白芍 一錢 柴胡 二錢 荆芥 一錢 甘草 八分

水姜煎服

涼血化毒湯 治痘初出頭焦黑者 歸尾 赤芍 生地

木通 連翹 牛子 紅花 紫草 吉更 山豆根

水煎服或加童便

雙解散 即防風通聖散去麻黃朴硝梔子外加桂枝也

四順清涼飲 見伏陽

救苦滅癩散 見結靨

四白滅癩散 見落茄後

白龍散 見結靨

白玉散 治丹瘤最驗

白土 二錢 五分 寒水石 五錢 共為末米醋或新汲水調塗

怪痘形症

一痘初出時面胸手足已見紅點却不起發不成膿漿隨即收斂若加氣促聲啞悶亂者必死此名內陷症也此症若無煩喘悶亂等候者名曰試痘過五七日後必復發熱而痘出者其痘必重

一痘瘡初出如蚊蚤所咬三日後反不見者名反關痘難治
一痘出有小孔自頂至脚不白不黑與痘色同者名為蛀痘
乃勝理不密表虛所致宜保元湯加糯米川芎丁香提起貫膿肉補其孔必孔滿而痘自起免致黑色成疔矣
一痘初出便成血泡或水泡隨即破壞者此名爛痘二三日

死

一痘出後遍身都是空殼不作膿水者此名空痘八九日死
一痘瘡紅甚而引飲渴不止者名曰燥痘宜犀角地黄之屬
一痘當出現起發之時中有乾黑者此名鬼痘宜用臘脂水
塗之勿使蔓延若不急治則乍起乍痛當膿不腐或多作瘡
次而出綿延日久而死

一痘出起發之時中有痛甚如刀刺叫哭不停者此名痘疔
五六月死

一痘當起發之時枯燥不潤癩伏不起皮膚皺揭者此名乾
痘五六月加煩滿喘急而死

一痘於起發之時皮嫩易破摸之溫手者此名溫痘六七日
并塌而死

一痘起發之時瘡色嬌艷皮薄光潤鮮紅可愛此名嫩痘八
九日後不能成痂必痒塌而死

一痘於起發養漿之時瘡頭有孔漿水漏者此名漏瘡五六
日後痒塌而死

一諸痘未漿而此痘先熟此名賊痘又名假雲花多在太陽
喉口心胸等處三日見者六日死四日見者七日死五六日
見者十一二日必死也

一痘雖稀根窠全白無血色三四日後雖亦起脹然按之虛

突此亦名為賊痘

一膿水將成之時其瘡自破有孔而深者此名倒靨不治

一將靨之時不能成痂皮脫骨黑者亦名倒靨亦不治

一痘于收靨之時不能成痂皮肉潰爛膿水淋漓者此名痘

癩能食則生不能食則死

保元湯 見大要

犀角地黄湯

烏犀角 一錢 大生地 三錢 牡丹皮 一錢 芍藥 一錢 水煎服

伏陷倒靨

伏者毒蓄于裏而不出也陷者毒出而復陷入也此皆惡候

伏惟一證陷有數種伏則見形之時其瘡出熱不少感煩渴
悶燁此有毒伏于內而未得盡出者也陷則于見形之後其
血漸乾而變黑者謂之黑陷漿水未盛破損痒癢者謂之倒
陷膿成復化為水不肯結痂者謂之倒靨此亦陷類其瘡黑
色謂之黑陷凡起疹黑色皆不治之症以陷之真臟色見也
夫營氣歸腎之理以腎主骨髓又主閉藏痘瘡由骨髓達于
筋肉在元之間乃自內而外其毒得洩今既陷伏則在外者
復入於內藏于骨髓是以謂之歸腎而為不治之症

一凡痘瘡伏而不出者雙解主之

方見夾症

一痘瘡倒靨者看其大腑如大便秘用四順清涼散合奪命

丹 如泄利氣弱者十全大補湯合奪命散

雞冠酒 治痘青紫黑陷血熱毒盛者

穿山甲 土炒成珠研細 刺老雄鷄冠血數滴調勻熬服

四順清涼散

赤芍 當歸 甘草 地黃 柴胡 水煎服瀉加煨姜

陳倉米

十全大補湯 此方治伏陽最為穩當尤宜看症加減

人參 白朮 茯苓 甘草 川芎 當歸 白芍

地黃 干姜 紅棗為引

獨聖散 治痘毒盛伏陽 牛蒡子 姜虫 紫草茸 各

水煎服

奪命丹

麻黃

升麻 山豆根 連翹

紅花子

蟬退

大力子

紫草

人中黃

酒蜜和丸 神砂為衣 薄荷湯下

南金散

治痘陷伏

紫背荷葉

白姜蚕

共研為末 量兒大者壹錢 小者五分 米飲湯下

此症多有龍骨人牙者 卒難措辦 惟此無毒而効更速

猪尾膏

見日數

治痘黑陷

白花蛇散

治痘伏陷不起

白花蛇 醋炙 三錢 公丁香 二十 共為末酒調服

補漿湯 治灰白不起或伏陷不出膿漿不貫

淫羊藿 三人參 當歸 山查 穿山甲 土炒 三分 黃芪

枸杞 川芎 甘草 陳皮 木香 白朮 官桂

黃豆 三十粒 筭尖 姜 粳米 引

小無比散 治痘壯熱口渴小水澀大便秘口氣熱煩燥不

寧或焦紫或紅癍自發熱至壯時有熱者皆可用痘後餘

熱亦可用

桂府滑石 飛過 六兩 石糕 飛過 一兩 粉草

右製淨末和勻小兒二錢大人再加冬月灯心湯夏月丹

水調如紅紫頂陷加穿山甲末一分射香三四釐紫草煎湯或加水酒一二匙調服

大無比散 治熱毒太甚驚狂譫語引飲痘瘡紅紫黑陷

滑石 飛過六兩 甘草 一兩 辰砂 飛過三錢 共研末三五歲者一錢十

歲上下者二錢發熱之初敗毒散調下若報痘後灯心湯

調下

痘母

一痘子出後三兩感叢根脚堅硬成塊者此名痘母

一痘子將出身上有紅腫結硬處似瘤非瘤似癰非癰者亦

名痘母凡痘發癰毒者亦名痘母經曰痘前發母者凶痘後

發母者半吉半凶俱宜真人解毒湯救之

品按痘母一症最為凶惡因痘苗欲發之際或感寒邪或質薄內虛毒邪發洩不透蘊結於經絡之間不能消散因而壅結成叢堅硬為塊當此之時宜察其人形氣之虛實如體氣尚實者不得不為之解毒有大熱者不得不為之清火俟火毒略清善調脾氣或可無慮若或有熱未除而元神素弱則當專用托法務令元氣完固飲食不減則結毒漸化而堅硬自消倘不細察其根本強弱而但知攻毒消火則必傷損脾氣食減神衰膿血不能運化毒邪日積而變症百出矣臨治者審之

真人解毒湯

忍冬花半斤 甘草節一斤 木通 防風 荆芥 連翹各三錢

右各三劑用水酒各一鍾煎服以腫消痘出為度

痘疔黑陷

痘有紫黑枯硬而獨大針撥不動手捻有核割不知痛其白根或長寸許或陷入肉中形如螺蓋者是為痘疔若不去之則一身之痘皆不能起發或皆變黑色必致于死此因熱毒蓄積氣血凝敗而成也宜六氣煎加川芎紫草紅花木通之類以補血涼血而疔自退疔退後宜大進六氣煎或六物煎外用四聖丹胭脂汁調點之疔若大者用銀針挑破瘡口吸

出惡血入後末藥可轉紅活其有黑大而軟者此名黑痘不可作痘疔治也

心鑑曰痘疔見于四肢不近臟腑者易治若穿筋骨者亦難治但有見于頭面腹背逼近于內者其勢必攻穿臟腑如未穿者急須用飛過雄黃以真蟬酥拌勻為丸如麻子大排疔點入立效 又或用巴豆一粒去皮膜合硃砂一分研爛點入一時拔出即愈內服無價散新汲井水加猪尾血三五點調下

六氣煎

六物煎

俱見報痘

萬氏四聖丹

綠豆 四十粒 菀豆 四十九粒 珍珠 一分 油頭髮 燒存性

共為細末以簪腳撥開黑痘頂用此塗之

四聖丹 凡痘有干燥其根焦黑內服奪命散外以四聖丹

塗之

菘豆 各燒存性 赤小豆 各四十粒 珍珠 研細二分

二聖散 治痘疔

雄黃 紫草 等分為末胭脂水調塗

人牙散 治痘黑陷神昏 人牙 火煨存性 酒調服

奪命丹 治倒陷發痘毒 用麻黃 升麻 各五錢 山豆根

紅花子 大力子 連翹 各二分 蟬退 紫草 人中

專治... 痘

黃 共研細酒蜜和丸辰砂為衣薄荷葉煎湯下

雄黃蟬酥丸 方見本論

巴豆硃砂末 方見本論

百祥丸 治痘黑陷喘脹便閉 用紅芽大戟去芴枝煮軟

去骨枣肉和為丸黑芝麻湯送下

無價散 治一切痘瘡倒陷焦黑危急之症

人牙 猪牙 狗牙 猫牙

用火燒存性為末每三分熱酒調下

認治痘疔方法

萬羅田曰痘疔只要疎通解散不使毒邪陷伏別無治法吳

汪川曰以針挑破以口吸其血看血何如點入四聖丹余謂
凡治痘疔先當以認識痘疔為緊要當其初熱絃點仔細看
兒遍身若有痘疔則非藥餅所能去急用銀針挑之點入二
妙丹或四聖丹為效最速然先要識得怪疔望疔怪疔者怪
痘所成也衆痘未熟此痘先標衆痘未長此痘先膿其膿且
滿而黃急宜用針挑撥也望疔者衆痘初熟此痘先出形如
癍癩有白果大者有挑大者且硬而有紅根此非針之所可
挑者急用獨頭蒜艾葉灸之自愈至挑撥之法務要及時瀆
于痘疔上漿之際方能含針一來不可太早二來不可挑破
痘殼三來不可重入肌膚傷肌出血斯無後慮

者針法

以甘草 甘遂 川烏 草烏 用水一鍾入砂罐內煮至
水乾為度每次煮五六針入鵝毛管內兩頭以蠟塞口收好
聽用

製二妙丹

用明透雄黃二兩雌黃二錢豆腐一大塊四寸厚方圓四寸
大中間開一孔約一寸深將雌黃入底下次入雄黃孔上以
豆腐塞滿用武火四圍炙干至黃色又以文火徐徐炙之以
燥干為度冷定取去雌黃單用雄黃研極細末藏磁器內不
可洩氣點瘰疔時取雄雞冠上血入黃酒少許調稀入丹藥

攪勻用之

附 拔疔散

牛黃

錢一 硃砂八 珍珠二

共為末油胭脂調搽如唇裂腫黃

蠟熬膏搽石羔磨水搽亦可

治痘毒成癰

必勝膏 用葱白不拘多少洗切片搗成泥再入生蜜和之

作薄餅貼患處一日兩換外以帛片縛之自漸消

生肌膏

貝母 錢一

白芷

赤石脂

白芨

錢各一 龍骨

五

共為細末猪骨髓調作膏攤油紙貼之自然收口

趙氏生肌散

赤石脂

蜜陀僧

伏龍肝

輕粉

黃柏

末 血竭 杭粉 黃丹 髮灰 乳香 沒藥

共為細末羅過敷之外貼生肌膏飲以連翹飲加川山甲

姜蚕治之

賊痘

痘出之後其中有獨紅獨赤獨大摸之皮軟而不碍手者此賊痘也三日之外必成水泡甚者紫泡黑泡極危症也急用保元湯或六氣煎加紫草紅花蟬退解之或用燈草木通煎湯調下益元散利去心中之熱而紅自退如已成水泡宜保元湯倍加四苓散利之此秘法也不然則遍身擦破臭爛而

死

一報痘雖稀根窠全白無血三四日便起脹其痘大按之處
突而軟者此名賊痘氣血大虛也保元湯加紫草救之額上
見之尤甚貫膿者變成水泡擦破而死

品按賊痘一症諸痘未漿而此痘先熟也又名假雲之
多在太陽喉口心胸等處三日見或五六日見者俱不可治

保元湯 見初熱

六氣煎 見報痘

四苓散 係白朮澤瀉茯苓朱苓 燈心引

益元散 滑石 六錢 甘草 一錢 共研末水調服

臭痘

一痘有臭氣凡當收靨之時臭而帶腥者此痘毒成熟之氣邪氣自內而出也為吉 若臭如爛肉濁惡不可近者急瀉清熱滋血宜涼血養營煎或解毒防風湯若痘瘡潰爛不靨而臭不可聞者名為爛痘間亦有收靨無事者只要胃氣不衰飲食如故不作煩燥則為可治宜用八珍湯或四味消毒飲用敗草散敷之

先哲有云臭痘不死以得化洩陽明之毒氣故也若臭而黑爛成窩者元氣虧損之極亦死症也犯此者宜服定命湯

寒水丹

涼血養營煎

見收結治例

參湯 即四君四物二湯合用

不消毒飲

炙草 黃連 牛旁子 或加銀花紫草蟬退米

屋上多年茅草擇淨者為末糝之以其多受風露之氣
最能解毒

全湯

人參 白朮 當歸 白芍 生地 茯苓

白芷 防風 荊芥 升麻 入芫荽一握白銀

一塊燈心二十根全煎服

六水丹

雞骨灰

連血肉燒過

銀硃

各一錢

冰片

赤石脂

各五分

棕灰

各二分

共研末摻之

蛆痘

先括有云蛆痘不死以其梟毒盡發于外也用經霜荷葉薄荷煎湯洗之或先用艾條燒烟薰之後用紫草甘草煎湯洗之禁用雄黃礬石等藥

一方用蛆草煎水滴于其上其蛆自無此草凡做魚鮓者皆能識認採取

逐蛆法 用絲瓜葉搗汁噙噴痘上其蛆自出如無用柳葉鋪床亦妙

又有厚皮不能出者用銀針挑破滴香油在內凡蛆虫見油即出外再以花椒煎湯浴之

奇痘

一痘出遍身俱是黑色此非隔痘也是元癸奪權爭芽如膏未晴極而雲霧淨水風動而波行非富貴之至者不能見此只用化癩湯浴之于外內服四仙散自然色變而為美矣方用甘草紫草通草黃連翹石蓮三味各浸炒共研為末砂糖調勻空心服霎時便好

品按奇痘即古所稱雅鵝痘也形色雖黑而光潤圓頂
峻膿滿得此者必主大貴

傳症彙編卷之十九

痘麻紺珠五 痘

新建邑庠熊立品聖臣甫編輯

同學雷廷選風元叅較

孫承統紹庭校字

痘後餘毒

錢氏曰其病有三一者疥二者癰三者目赤以症求之尚不止此皆由毒盛所致也攻脾則泄瀉身浮攻肝則眼生翳膜攻心則煩燥啼哭攻腎則耳疼膿聚攻肺則咳嗽痰涎發生皮毛則癬疥癰癩

仙方活命散 治一切疔癰瘡毒未成即消已出即潰消毒

敗膿止痛之聖藥也

金銀花 陳皮 各三錢 乳香 穿山甲 炒 皂刺 白芷

防風 沒藥 當歸 各一錢 貝母 甘草 天花粉 各三錢

細末酒調服

荆防敗毒散 方見前 再看陪位加之

頭加白芷 升麻 上身陪加桔梗 手加桂枝

腰加杜仲 腿加牛膝 木瓜

托裏散 治元氣虛弱未成自消已成自潰

人參 黃芪 二錢 當歸 白朮 陳皮 熟地 茯苓

白芍各一錢 甘草五分

敷痘毒法

凡痘結靨時餘毒未散結成癰毒者速用大黃豆搗爛敷之自愈麻毒用麻

痘後餘毒發熱

心鑑曰痘後餘熱者虛熱也虛熱多發于午後臉赤唇紅或妄言讖語切不可作實熱治當用調元湯加黃連甚者宜加大連翹飲若妄用攻下使胃氣一虛則變生他患致成壞症不可治矣

徐氏曰痘後餘熱不除者當量其輕重而治之大熱則利小

一痘瘡入眼腫痛或生翳膜宜蒺藜散蟬菊散外以秦皮洗
之
一戴眼每于豆已收靨或出汗大瀉之後多有目睛上吊或
露白者謂之戴眼此精氣為膿血汗液所耗乃太陽少陽虧
缺血枯則筋急所以以上吊宜六物六氣煎或十全大補湯主
之不可以風熱論治而散之解之也

蒺藜散

白蒺藜 白菊花 蟬退 荆芥穗 防風 木賊草

共末白湯調下

蟬菊散 治痘疹入目或病後生翳障

蟬退 白菊花 共為末每服二三錢加蜜少許溫服

密蒙花散 又名風捲簾 治痘後翳膜不退羞明怕日者

谷精草 密蒙花 酒洗 蟬退 望月砂 各五錢

右以獾猪肝一片水煎食後服

一痘後眼疔及痘風眼其上下眼弦俱爛紅濕不干者用口

津磨石燕艾烟薰干取三錢烏梅肉五倍子蘆薈枯礬各壹

錢黃連銅綠各五分射香壹分共為末乳汁二匙對麻油壹

匙調搽上下眼弦自愈此方甚驗經久不愈甚至十餘年者

皆可治

痘後咽痛

咽喉司呼吸之升降乃一身之橐籥毒氣不散壅聚于此腫
痛閉塞水漿難入首尾俱宜甘桔湯加麥門冬牛旁子玄參
杏仁外用玉鑰匙點之

徐氏曰凡咽喉腫痛不能飲食者內服加味甘桔湯外看身
上有痘之最大者此其毒氣相連宜用香油燈草熬煉之一
焯即愈或用手捻破以痘疔散塗之

陳氏曰凡身壯熱大便堅寔或口舌生瘡咽喉腫痛皆毒氣
未散宜四味射干鼠粘子湯瀦後餘毒未解柴胡麥冬湯

加味甘桔湯

甘草

錢一桔梗
錢三

加豬膚皮共水煎服

吹痰法 專止喉疼

山豆根

射干

苦參

各等分

共細末臨吹時加射香冰片

少許立効

玉鑰匙

月石

五錢

牙硝

一兩五錢

白姜虫

一錢

冰片

一分

共為細末每用五

分以竹管吹入喉中立愈

此方加雄黃二錢即名金鑰

匙

鼠粘子湯

即消毒散加防風治痘出時咽痛

開關散

治痰塞喉中聲如拽鋸滴水不入者以此吹之

白礬

三錢

巴豆

四粒

用瓦一片以凡一半作底放巴豆于中

上用一半蓋面文火焙將枯用炭火蓋凡上灸略枯入膏
黛拌濕陰干為末每用一錢加研砂三分天竺黃一分共
末吹之

痘痔瘡

雄黃一錢 紫草三錢 共為末胭脂汁調用銀簪脚挑破黑痘

入藥在內

四味射干鼠粘子湯 見發熱治例

柴胡麥冬湯

柴胡二錢 胆草一錢 麥冬三錢 甘草 人參 玄參 各一錢

每服三錢水煎溫服

一治麻痘咽痛內服加味甘桔湯外用蘄艾蛇床子研末新
烟筒盛火燃口吸烟取出痰涎或用半夏南星蘄艾研末取
涎咽痛自愈

痘後牙疳

痘後牙齒齦內潰者此痘疔脫涎水浸漬為疳觸瘡用綿鹽
敷之若氣臭血出者名走馬疳內服黃連解毒湯雄黃
末竹葉湯下外以馬鳴散敷之

牙齦腫爛成疳者此陽明熱毒內攻也用甘露飲主之外
茶葉韭菜根煎濃洗之仍用翎毛刷去腐肉洗見鮮血
雄黃散或搽牙散綿鹽散敷之若爛至聲中者用小竹

以入錐通口牙齒爛落口唇穿破者皆可敷藥
吳爛氣粗熱甚舌白至唇口臭如爛肉大便
痛此胃虛毒氣內攻胃爛之症其疔見於山
之症俱不治

治痘後爛疼不收口

以綿鹽不拘多少生白礬入鹽內以火煨枯白芷二錢

以末于貼疔瘡口內

此總治瘡毒膿水淋漓收斂之外劑

魚袍散 治痘後口疼臭爛

荊芥穗 薄荷葉 青黛 明礬 硼砂 甘草

燒牛糞共為細末搽舌上令其自化吞吃

黃連解毒湯

黃連 黃芩 黃柏 梔子 水煎服

靈應丹 治走馬牙疳口疳用此吹之

小青蝦蟆 不拘多少 生礬 五錢 黑棗 十枚 搗爛鹽泥封固煨存性

為極細末敷之

馬鳴散

人中白 即糞缸底白蛭刮取用 馬鳴退 即蚕退燒過

五倍子 生用一錢 另用一錢 白礬 一錢 研細取五倍子

共為細末先以米泔濃汁浸洗後以此敷之

甘露飲

枇杷葉拭去毛 生地 熟地 天冬 麥冬 黃芩 石斛

茵陳各一錢 枳壳五錢 水二鍾煎一鍾服

雄黃散

雄黃一錢 銅綠二錢 共為細末干摻之

痘後咳嗽

咳嗽之病多因外感風寒或是內傷生冷凡痘初出而咳嗽者升麻葛根湯如薰頭痛身熱惡寒者參朮飲嘔吐痰涎者白朮湯痘疹已出而咳嗽者肺中有火或咽喉作痒也只用甘桔湯加牛旁子如醫後咳嗽者不問形寒飲冷並宜升麻

葛根湯主之若或咳而氣喘連聲不住此毒流于肺肺葉焦枯必致胸高肩聳口鼻出血面色或青或白或赤速宜二冬

清肺湯

升麻葛根湯 見發熱

參朮飲 見發熱

白朮湯

陳皮 茯苓 五味子 法半 杏仁霜 甘草

水煎服

甘桔湯

桔梗 三錢 甘草 一錢 水煎服

二冬清肺湯

天門冬 麥門冬 知母 貝母 杏仁 甘草 杏霜

牛蒡子 熟石羔 馬兜鈴

糯米一合同為末水煎服

痘後泄瀉

痘瘡一症自始至終大便常宜堅硬今于痘後泄瀉是必元氣既虛脾陽未盛或再感風寒或忌生冷經絡腸臟內外受傷且兼餘毒尚未散消所以脾失健運之常腎弛關鍵之職因而滑泄無度也若審係外感風寒宜平胃散或五苓散加羌活防風以表解之 若係內傷生冷宜平胃散加炮薑

肉桂扁豆苡仁茯苓神曲山查之屬如泄久不止用陳氏豆
蔻丸治之

平胃散 見泄瀉

銀鎖匙

枯礬 三錢 糯谷 炒一兩 干姜 煨 蓮鬚 粟壳 蜜水炒去 觔各五錢 五倍子

二錢 共為細末每一錢入煎藥內服米飲下亦可善止痘

中虛瀉實症不可誤用

陳氏豆叩丸

木香 砂仁 白龍骨 訶子肉 肉豆叩 赤石脂

枯白礬 量兒大小米飲湯下

狐惑症

痘後吐虵而手足厥冷者虵厥也若不吐利內食臟腑者為
狐惑之症其人好睡默默不欲食上唇有瘡虫食其肛下唇
有瘡虫食其臟其聲啞啞上下不定故名狐惑也此候最惡
麻痘後尤多化蠶丸主之如便結者以桃仁承氣湯加梔子
利之

化蠶丸

黃連

半兩 蜀椒

去開目者
炒去汁

二錢

苦楝根白皮

干者
二錢

右共研末大烏梅七枚艾湯浸去核搗爛和丸用艾葉湯

吞服

桃仁承氣湯

桃仁 芒硝 大黃 甘草 桂枝 槐子 水煎服

水痘

小兒正痘之外復有水痘一證蓋正痘乃屬裏證而發於臟
者也水痘則屬表証而發于腑者也其瘡皮薄如水泡易破
易乾出無漸次或白色或淡紅冷冷有水漿然比麻疹稍輕
發熱二三日而出出而即消易收易靨調治不宜濕燥之藥
但用輕揚之劑以解之

張景岳曰凡出水痘先十數點一日後其頂尖上有水泡二
三日又出漸多四日渾身作痒瘡皆破微加壯熱即收矣但

有此疾須忌雞魚葱蒜發物七八日治法亦宜清熱解毒如
羌活散消毒飲之類服之自安

羌活散

羌活 一錢 獨活 二分 荆芥 防風 前胡 各一錢 柴胡 白芷

蝉退 甘草 各五分 細辛 一分

水煎不拘時服如發搐及熱盛不退用製珠砂調下

消毒飲

牛蒡子 甘草 升麻 山豆根 紫草 水煎服

傳症彙編卷之二十

痘麻紺珠六

水痘麻疹

新建邑庠熊立品聖臣甫編輯

同學弟楊煜燦遜恭較

孫承統紹庭校字

麻疹全

考之麻痘諸書皆渾而言之曰麻痘班疹又久而別之曰痘疹麻疹粗工不察以為疹即是痘痘即是疹麻即是疹疹即是麻殊不知痘自痘疹自疹麻自麻班自班形迹本不相同治法亦稍有異也然推其所以渾稱之由則因疹子一出每

英雜于麻痘之中而疹又似乎麻痘之狀故其稱謂若此耳
張景岳曰痘疹之屬有四種曰痘曰疹曰麻曰班痘則陸續
漸出自小而大或稀或密部位顆粒有辨也疹則一齊發出
大者如蘇子小者如蚕子而成粒成片者是也麻則最細而
碎如蚊迹模糊者是也班則無粒惟成片紅紫如雲如錦者
是也大抵疹與麻班同類即發班傷寒之屬而痘則本非其
類也蓋痘毒本于肝腎出自中下二焦是以始終不妨于食
全賴水穀為主所以能食則吉不能食則凶故治痘者不可
不顧脾胃麻疹之毒則由表邪不解而內犯太陽陽明病在
上中二焦所以多不能食故治麻疹但用解散火邪火邪散

則自能食而病斯安矣品按此景岳所論辨別詳明然認症
疏方乃為醫家第一要緊之事今特採錄于首俾有志濟人
而好行其德者均得了然于目即了然于心庶症無誤認藥
不妄投而小兒之生命可永矣

名義

疹者痘之末疾惟二經受症脾與肺也內應于手足太陰外
合于皮毛肌肉是皆天地間沴戾不正之氣故曰疹也然其
名目則有異在蘇松曰砂子在浙江曰醋子在江右湖廣曰
麻在山陝曰糠瘡曰赤瘡在北直曰疹子吳人謂之痧越人
謂之闇聞人氏謂之膚疹小兒有出一二次者出輕而日數

少者名奶疹子出稍重而日數多者名正疹子又出于痘前者名奶疹子出于痘後者名正疹子名雖不同其症則一但疹在痘前者痘後必復疹惟痘後出疹者乃為結局

疹證逆順

萬羅田曰疹以春夏為順秋冬為逆以其出于脾肺二經一感風寒不惟難出且多變証故于秋冬為不宜耳夫天行不正之氣故為人之瘍疹然古人于痘疹二字始終歸重于痘並不令別疹為何物豈可以二証歸于一症耶想當時重痘不重疹故爾忽之致使後人不得心法因而害事者往往有之也

疹脉

凡出疹自熱起至收完但看右手一指脈洪大者雖有別証亦不為害此定存亡之要法也

疹症

疹雖非痘之比然亦由胎毒蘊于脾肺故發于皮毛肌肉之間但一時傳染大小相似則未有不由天行癘氣而發者此其源雖發于內而証多屬表故其內為胎毒則與痘症同外為表邪則與傷寒類其為毒也總由君相二火燔灼太陰而脾肺受之故其為症則有咳嗽噴嚏面腫腮赤目泡浮腫眼淚汪汪鼻流清涕呵欠悶頓乍涼乍熱手足梢冷夜卧驚悸

或惡心嘔噦或以手搯面目唇鼻者是即出疹之候便宜解
毒散邪等藥不使留停于中庶無他患 且凡是疹症必其
面赤手指冷而多嗽又必大熱五六日而後見紅點遍身此
其所以與痘與傷寒有異也

一痘欲盡發而不留疹欲盡出而無病邪氣鬱遏則留而不
去正氣損傷則困而不伸毒歸臟腑變有四證歸脾則泄瀉
不止歸心則煩熱不退而發驚歸肺則咳嗽血出歸腎則牙
齦爛而疳蝕

疹出沒

疹子出沒常以六時為準假如子時出者午後即收午時出

者子後即收乃陽生陰成陰生陽成造化自然之數也凡此
瀉出旋收者輕若一出連絲三四日不收乃陽毒太甚宜大
膏湯解之透巡不出者宜荆防敗毒散加牛蒡玄參主之
若疹已出而復沒者乃被風寒所逼而然若不早治毒必內
攻定致痒塌急用升麻湯加荆芥牛蒡甘草熱服自可復出
而安

大青湯

大青

玄參

生地

石羔

知母

木通

甘草

芥穗

地骨皮

淡竹葉十片

水煎服

荆防敗毒散

羌活 獨活 柴胡 前胡 甘草 茯苓 川芎

吉更 枳殼 加荆芥 防風

升麻解毒湯

升麻 葛根 羌活 人參 柴胡 前胡 甘草

吉更 防風 芥穗 赤芍 牛子 連召 淡竹葉引

水煎服

一疹子只怕不得出若出盡則毒便解凡臨治者于發熱之初當察時令寒暄如時症大寒以桂枝葛根湯或麻黃湯發之時證大熱以升麻葛根湯或合人參白虎湯發之不寒不熱以荆防敗毒散發之如兼疫癘之氣以人參敗毒散發之

如盡一劑不出再作本湯服之外用胡荽酒以苧麻醃油遍身憂之如再不出或加腹中脹痛氣喘昏悶則為不治之證矣

桂枝葛根湯

即葛根湯加桂枝見發熱

麻黃湯

見初熱

升麻葛根湯

見發熱治例

人參白虎湯

即白虎湯加人參

荆防敗毒散

見疹出沒

人參敗毒散

即敗毒散加人參

疹形色

痘疹之色不可同論大抵痘子怕太紅皮嫩易破必生癩瘡
疹子喜通紅疹出于心紅者火之正色也若色淡白者心血
不足也養血化斑湯主之色太紅或微紫者血熱也大青湯
主之或出太甚者亦宜大青湯黑者不治

養血化斑湯

歸身 生地 紅花 蟬退 人參 各等分水煎服

大青湯

大青 玄參 生地 石糕 知母 木通 甘草

地骨皮 荆芥穗 各等分淡竹葉十片水煎溫服

附各疹辨

詳見夾斑條下

正疹之外更有一名班疹而班疹之中又別有一名癩疹者其毒皆由于火也經曰赫曦之紀其病瘡瘍故或遇二火司天或二火司運之歲肺金受制感而發者居多輕者如蚊迹之狀或纍腫于皮膚間者名曰癩疹重者如珠點紅暈或片片如錦紋名曰班疹俱視其色赤者吉黑者凶其症似傷寒發熱三四日而出七八日而靨凡此之類皆屬邪熱只宜清涼解散縱有吐瀉切不可用豆蔻乾姜之類又不可大汗但宜升麻葛根及透邪煎之屬微微表之可也

透邪煎

當歸

三錢

芍藥

酒炒

防風

八分

荆芥

一錢

炙甘草

七分

升麻

三分

傳疔彙編
疔麻經珠卷二十一
六
水煎服如熱加柴胡

附麻疹辨

詳見夾疹條下

痘之外有疹疹之外又有麻疹麻疹者亦疹之類是即斑疹也但正疹則熱至五六日而後一齊湧出出皆粒粒成瘡非若麻疹之紅成片也且麻疹之出則不拘三四日以火照之遍身如塗硃之狀此將出之兆出則細碎皮紅成片如蚊蚤之迹者即麻疹也亦或有六日始出出而又沒沒而又出不過一周時許世俗謂一日三出三日九出後方齊出透徹然亦有不拘者只三日間從面至胸背手足雖隨出隨沒然只要出透以遍身紅潤者為羨重者遍身膨脹眼亦封閉色有

赤白微黃不同只要紅活最嫌黑陷及面目胸腹稠密纏鎖
咽喉者為逆發不出而喘者死所謂麻者以遍身細碎如麻
無有空處故也然又有遍身但紅而絕無斑點者是又謂之
火丹故痘家有夾疹夾麻夾丹等證總皆熱毒所致俱當詳
辨者也

治例

一麻疹初起呵欠發熱惡寒欬嗽噴流涕宜升麻葛根湯
加蘇葉蔥白以解肌切忌大汗 若潮熱甚者本方加芩連
地骨皮 若譫語者本方調辰砂益元散 若咳嗽本方加
麻黃杏仁麥冬石膏 若咳甚熱甚者涼膈散加吉更地骨

傳症彙編 麻絲珠卷二十一
皮 泄瀉者宜四苓散便紅合犀角地黄湯 吐血衄血者

犀角地黄湯加山梔 小便赤者加木通 寒熱似瘧者小

柴胡湯

一小兒發熱之初如審係麻疹輕者瀉白散合三味消毒飲
重者金拂草散主之兼瀉利者合升麻葛根湯以白芷代葛

根

瀉白消毒飲

桑白皮 地骨皮 牛蒡子 芥穗 各一錢 甘草 五錢 浮萍

射干 三分

加味金拂草散

旋覆花 麻黃 前胡各七 芥穗一錢 甘草 半夏 芍藥

各五 鼠粘子 浮萍各七

一麻宜清涼固不易之大法然人有強弱虛實不同証有輕重寒熱不一務須看其體氣之厚薄寒熱之輕重圓機活法神明變化於其間斯為善治故治麻亦有血虛而用四物湯氣虛而用四君子湯傷冷則溫中理中之藥皆因症而用可

升麻葛根湯見發熱治例 辰砂益元散見賊痘

涼膈散

淡竹葉 葱白為引

犀角地黃湯 見起脹

小柴胡湯 見預防

四君子湯四物湯 俱見入裏

理中湯 見起脹